

169 áunnið sjer framfærzlurjett í tjeðri sveit; og skal því hinn áfrýjaði úrskurður yðar frá 29. okt. 20. marz þ. á. óraskaður standa.

170 — *Brjef landshöfðingja til amtmannsins yfir norður- og austurumdæminu um champagne-cider.* — Verzlunarhúsið Sv. Jacobsen & Co. á Seyðisfirði hafði borið sig upp undan því, að það hefði verið krafid um toll af «champagne-cider» er það hafði flutt hingað til landsins í fyrra. Landshöfðingi úrskurðaði, að lögur þessi yrði, eptir því sem komið hafði fram, að teljast með áfengum drykkjum, og að því ekki gæti komið til tals að endurborga toll þann, er kærandi hafði greitt af honum.

171 — *Brjef landshöfðingja til stíptysfirvaldanna um lán til jarðabóta á prestssetri.* — Samkvæmt tillögum stíptysfirvaldanna í brjefi frá 11. þ. m. veitist hjer með Nesþingaprestakalli í Snøfellsnesprófastsdæmi 300 kr. lán til að halda áfram jarðabótum á prestssetrinu Þæfusteini gegn 4% árlegum vöxtum og gegn því, að lánið verði endurgoldið með $\frac{1}{12}$ eða 25 kr. á ári hverju. Það er skilyrði fyrir því, að lánið eða nokkur hluti þess verði ávísaður til útborgunar, að sannað verði áður með löglegri virðingargjörð og vottorði frá hlutadeigandi prófasti, að búið sje að gjöra þær jarðabøtur, að arðurinn af þeim muni vera nægilegur til að greiða vexti af láninu og að endurborga það.

Þetta er hjer með tjáð stíptysfirvöldunum til þóknanlegrar leiðbeiningar og birtingar fyrir hlutadeiganda.

172 — *Brjef landshöfðingja til biskups um veitingu prestakalla.* — Samkvæmt áskorun hjeradsfundarins í Suður-Þingeyjar prófastsdæmi frá 11. f. m. hefir hlutadeigandi prófastur farið fram á, að 7. gr. laga 27. febr. þ. á. um stjórn safnaðarmála og skipun sóknarnefnda og hjeradsnefnda verði eptirleiðis fullnøgt þannig, að þegar brauð er undir veitingu, sje viðkomandi sóknarnefnd send skrá yfir þá, sem sótt hafa um brauðið, svo að nefndinni gefist kostur á að mæla fram með einum umsækjanda, áður en brauðið sje veitt. Takið þjer í þóknanlegu brjefi frá 26. þ. m. fram, að það sje hvortveggja, að ekki er ákveðið í 7. gr. nefndra laga, að senda skuli hlutadeigandi sóknarnefnd slíka skrá yfir umsækjendurna, enda hafi lögin ekki getað haft þetta fyrir augum, því ef svo væri, gæti það valdið óbærilegum drætti á veitingu brauðsins og afleiðingin stundum orðið sú, að söfnuðurinn yrði sviptur prestspjónustu um lengri eða skemmri tíma. Þó að þjer því áltíð að áminnt áskorun sje sprottin af misskilningi á nefndu lagaboði, hafið þjer áltíð, að yður bæri að bera málið undir úrskurð minn.

Fyrir því skal yður, herra biskup, hjer með þjónustusamlega tjáð hið eptirfylgjandi til þóknanlegrar leiðbeiningar og birtingar fyrir hlutadeigöndum.

Þó að 7. gr. laga 27. febr. þ. á. heimili sóknarnefndum rjett til, þegar prestakall er undir veitingu, að mæla fram með einum umsækjanda, er þar með ekki veitt söfnuðunum hlutdeild í veitingunni sjálfri, og var þetta ljóslega tekið fram í umræðunum á alþingi um lögin. Aptur á móti leiðir það af sjálfu sjer, að þegar sóknarnefnd vill neyta rjettar síns til að mæla fram með einum sækjanda, mun, ef slík meðmæli eru á góðum rökum byggð, verða tekið tilhlýðilegt tillit til þeirra við veitingu prestakallsins. Lögin láta það á valdi sóknarnefndarinnar sjálfar, hvort hún vilji neyta

þessa rjettar síns, og hvernig hún vilji gjöra það í hverju einstöku tilfelli, og það er því engin ástæða til, að veitingarvaldið leiti álits sóknarnefndarinnar um umsökendurna og það því síður, sem slíkt myndi hafa í för með sjer annmarka þá, sem þjer, herra biskup hafid bent á.

— *Brjef landshöfðingja til amtmannsins yfir suður- og vesturumdæminu um styrk til að læra skipasmíði.* — Samkvæmt tillögum yðar, herra amtmaður í brjefi frá 2. þ. m. hefi jeg veitt Jóni trjesmið Gunnlaugssyni 200 kr. styrk af fje því, sem getur um í 9. gr. C. 4. fjárlaganna til þess að leita sjer kunnáttu í skipasmíði erlendis, þannig, að hann megi eiga von um allt að 150 kr. viðbót við þennan styrk, ef hann á komanda vori sendi hingað áreiðanlega vitnisburði um framfarir sínar og ástundunarsemi í tjeðri iðn.

Þetta er tjád yður, herra amtmaður til þóknanlegrar leiðbeiningar og birtingar fyrir hlutadeiganda.

— *Brjef ráðgjafans fyrir Ísland til landshöfðingja um alþingishúsið.* — Í skýrstu þeirri, sem þjer, herra landshöfðingi gáfuð í þóknanlegu brjefi frá 14. f. m. um byggingu á húsi handa alþingi og söfnum landsins, hafid þjer meðal annars skýrt ráðgjafanum frá, að nú megi þegar ætla fullsannað, að kostnaðurinn við húsgjörð þessa muni, og það eigi allitíð, fara fram úr upphæð þeirri, sem til hennar er veitt í fjárlögnum.

Þjer hafid í þessu tilliti skýrt frá, að af hinni veittu upphæð 100000 kr. sje nú þegar búid að ávísa í þarfir hússins samtals 98000 kr., og að stærð þeirrar upphæðar, sem enn muni þurfa til þess að fullgjöra húsið, sje af Bald yfirsmið áætluð 18000 kr., en að aptur megi vonast eptir 2000 kr. ágóða af sölu á stólpagrindum, efnisleyfum o. fl. og megi því reikna, að fjárveitingin verði 14000 kr. of lág; hafid þjer svo lagt það til, að yður verði veitt heimild til að ávísa til útborgunar úr jarðabókarsjóði, í von um aukafjárveiting, bæði upphæð þeirri, sem eptir framansögðu útheimtist til að fullgjöra húsið fram yfir það, sem veitt er til þessa í fjárlögnum, og enn fremur hjer um bil 5000 kr., sem ætla megi, að þurfi til bókaskápa og annara áhalda handa bókastofunum í húsinu.

Út af þessu lætur ráðgjafinn ekki dragast þjónustusamlega að tjá yður til þóknanlegrar leiðbeiningar og frækari ráðstöfunar, að ofannefnd tillaga yðar er hjer með samþykkt.

— *Brjef ráðgjafans fyrir Ísland til landshöfðingja um eptirlaun af prestakalli.* — Þjer hafid, herra landshöfðingi, skýrt frá því í þóknanlegu brjefi frá 9. f. m., að presturinn að Stafafelli sjera Páll Pálsson hafi lagt þann skilning í lög frá 27. febr. þ. á. um eptirlaun presta, að skylda sú, sem hingað til hefir hvilt á honum til að greiða uppgjafaprestinum síra Bjarna Sveinssyni eptirlaun af tekjum prestakalls þessa, sje við nefnd lög horfin á landssjóð frá fardögum þ. á., þegar þau öðluðust gildi. Jafnframt því hafid þjer skotið spurningunni um skylðu landssjóðs til að greiða eptirlaun þessi til úrslita ráðgjafans, en sjálfur hafid þjer lagt þann sama skilning í lög þessi, sem